



SARAJEVO **SIPA** uhapsila Emira Šarića i Hasiba Bjelića Utajenim milionima kupovali nekretnine

Šarić i Bjelić osumnjičeni za organizirani kriminal, poreznu utaju i pranje novca. Tužilaštvo ih tereti da su od 2010. godine do hapšenja utajili više od tri miliona maraka



Studentski hotel Emiran u naselju Nedžarići



Benzinska pumpa u Vogošći

Pripadnici Državne agencije za istrage i zaštitu (SIPA), postupajući po naredbama Kantonalnog suda i Kantonalnog tužilaštva Sarajevu pretresli su jučer objekte na pet lokacija u Sarajevu i uhapsili dvije osobe koje se sumnjice za organizirani kriminal u vezi sa poreznom utajom i pranjem novca.

Kako je za Faktor potvrđeno iz sarajevskog Kantonalnog tužilaštva, uhapšeni su vlasnik studentskog hotela „Emiran“ u Sarajevu Emir Šarić (44) i vlasnik benzinske pumpe „Umax

Group“ Hasib Bjelić (44).

Hapšenju je prethodila višemjesečna isteraga pod nadzorom Tužilaštva KS.

- Tužilaštvo osumnjičene tereti da su zajedno sa više osoba počinili krivično djelo organizirani kriminal u vezi sa poreznom utajom i pranjem novca. Oni se sumnjice da su u periodu od 2010. godine do dana

Novac su utajili tako što su izbjegavali plaćanje poreza na dohodak od prihoda koje su stekli zastupanjem Special Security Vehicle Trading iz Dubaija

hapšenja utajili više od tri miliona maraka. Novac su utajili tako što su izbjegavali plaćanje poreza na dohodak od prihoda koje su stekli zastupanjem Special Security Vehicle Trading iz Dubaija, koje su zastupali prodajom i marketinškim predstavljanjem – kazala nam je Azra Bavčić, portparolka Kantonalnog tužilaštva u Sarajevu.

Dodala je da su osumnjičeni novac uplaćivali na njihove privatne devizne račune u više komercijalnih banaka, a zatim su taj novac koristili za kupovinu automobila i nekretnina na području Federacije BiH.

Prilikom pretresa, pripadnici SIPA-e su izuzeli više predmeta koji će biti korišteni kao dokazni materijal u daljem postupku. Osumnjičeni su, nakon izvršene kriminalističke obrade u SIPA-i, predati u dalju nadležnost Tužilaštva. Nakon što ih sasluša postupajući tužilac, bit će odlučeno o njihovom daljem statusu.

M. M.